

Bosna i Hercegovina
Federacija Bosne i Hercegovine
KANTON SARAJEVO
Ured za borbu protiv korupcije



Босна и Херцеговина
Федерација Босне и Херцеговине
КАНТОН САРАЈЕВО
Уред за борбу против корупције

Bosnia and Herzegovina
Federation of Bosnia and Herzegovina

CANTON SARAJEVO
Anti-Corruption Office

Informacija o provođenju Zakona o prijavljivanju i postupku provjere podataka o imovini nosioca javnih funkcija u Kantonu Sarajevo

Sarajevo, 30. juni 2026. godine



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-277, Fax: + 387 (0) 33 562-217
Web: <http://vlada.ks.gov.ba>, E-mail: uk@uk.ks.gov.ba

Sadržaj

I Uvod.....	3
II Cilj Informacije.....	3
III Nosioci javnih funkcija	3
IV Prijave imovine nosioca javnih funkcija	4
V Izdavanje prekršajnih naloga	8
VI Provjera podataka o imovini nosioca javnih funkcija	8
VII Završna izlaganja.....	10

I Uvod

Skupština Kantona Sarajevo donijela je Zakon o prijavljivanju i postupku provjere podataka o imovini nosioca javnih funkcija u Kantonu Sarajevo („Službene novine Kantona Sarajevo“, br. 18/19 i 12/22), koji u članu 5. stav (1) propisuje da je Ured za borbu protiv korupcije Kantona Sarajevo (u daljem tekstu: Ured) nadležan za provođenje ovog propisa, što podrazumijeva ovlaštenje za prikupljanje, provjeru i obradu podataka o imovini nosioca javnih funkcija, te uspostavljanje i vođenje Registra podataka o imovini (u daljem tekstu: Registar).

Ovo je jedan od dva antikoruptivna zakona koje provodi Ured, a koji se primjenjuju u Kantonu Sarajevo.

Zakon o prijavljivanju i postupku provjere podataka o imovini nosioca javnih funkcija u Kantonu Sarajevo (u daljem tekstu: Zakon) je jednoglasno donesen od strane zastupnika u Skupštini Kantona Sarajevo.

Ured svakih šest mjeseci podnosi informacije Skupštini Kantona Sarajevo o poduzetim aktivnostima na provođenju ovog propisa, shodno članu 7. stav (4) Zakona. Ovo je 14. Informacija koju je Ured izradio i ista sadrži statistički obrađene podatke o imovini nosioca javnih funkcija u Kantonu Sarajevo, za period januar - juni 2026. godine.

Članom 7. Zakona, propisano je da Skupština prati rad Ureda, razmatra informacije Ureda, te druga pitanja oko provođenja Zakona. U skladu sa navedenim članom Zakona, Skupština se ne smije miješati u rad Ureda, niti tražiti informacije o pojedinačnim slučajevima. Također, za potrebe praćenja nadzora nad Zakonom, Skupština može zatražiti posebne izvještaje o aktivnostima iz nadležnosti Ureda. Sjednica Skupštine Kantona Sarajevo je otvorena za javnost, kada se razmatra informacija Ureda. Informacije Ured objavljuje na svojoj web stranici, te ih tako čini dostupnim javnosti i svim zainteresovanim stranama.

II Cilj Informacije

Cilj informacije jeste objedinjavanje svih podataka koji se odnose na provođenje Zakona, u jednom dokumentu, te činjenje istih dostupnim Skupštini Kantona Sarajevo kao i svim drugim zainteresovanim stranama za praćenje rada Ureda kroz realizaciju ovog procesa, te osiguravanju mogućnosti istim za predlaganje eventualnih preporuka ili sugestija za poboljšanje ovog procesa.

III Nosioci javnih funkcija

Shodno zakonskim odredbama, nosiocima javnih funkcija smatraju se:

- a) **Izabrani dužnosnici**, a to su: zastupnici u Skupštini Kantona Sarajevo, vijećnici u Gradskom vijeću Grada Sarajevo i vijećnici u općinskim vijećima općina na teritoriji Kantona Sarajevo.
- b) **Nosioci izvršnih funkcija**, a to su: premijer Kantona Sarajevo i članovi Vlade Kantona Sarajevo, gradonačelnik Grada Sarajevo i općinski načelnici općina na teritoriji Kantona Sarajevo, rektor Univerziteta u Sarajevu, direktori, izvršni direktori, pomoćnici direktora agencija, fondova, javnih preduzeća, javnih ustanova i institucija koji se imenuju ili postavljaju na mandatni period, zamjenici direktora agencija, fondova, javnih preduzeća,

javnih ustanova i institucija, predsjednici i članovi skupština javnih preduzeća, punomoćnici Vlade za vršenje ovlaštenja skupštine u javnim preduzećima, predsjednici i članovi nadzornih odbora javnih preduzeća, predsjednici i članovi upravnih i nadzornih odbora agencija, fondova, javnih ustanova i drugih institucija čiji je osnivač Kanton Sarajevo, Grad Sarajevo ili općina na teritoriji Kantona Sarajevo ili u kojima Kanton Sarajevo, Grad Sarajevo ili općina na teritoriji Kantona Sarajevo učestvuje sa više od 50% ukupnog kapitala, kao i druga lica, koja su izabrana i imenovana, ili je za njihov izbor ili imenovanje data saglasnost od strane Skupštine, Gradskog vijeća, općinskog vijeća, Vlade, Gradonačelnika ili načelnika. Nosiocima izvršnih funkcija smatraju se i vršioци dužnosti prethodno pobrojanih izvršnih funkcija.

- c) **Savjetnici** izabranih dužnosnika i nosioca izvršnih funkcija koji se imenuju po *lex specialis* propisima.

IV Prijave imovine nosioca javnih funkcija

Ured je u periodu od januara do kraja juna 2026. godine zaprimio ukupno **1464 prijave imovine** nosioca javnih funkcija, po svim osnovama (prilikom preuzimanja dužnosti, godišnje prijavljivanje imovine, poslije završetka dužnosti i na zahtjev Ureda).


Od ukupno 1464 zaprimljenih prijava imovine u dosadašnjem dijelu 2026. godine, Ured je zaprimio **323 prijave imovine od izabranih dužnosnika**, što čini 22,1% od ukupno zaprimljenih prijava. Od **nosioca izvršnih funkcija Ured je zaprimio 1136 prijava imovine**, što čini 77,6% prijava, dok je **pet savjetnika** dostavilo prijave imovine, što je 0,3% od ukupno pristiglih prijava.

Nosioci javnih funkcija obavezni su prijaviti imovinu bliskih srodnika. Po Zakonu bliskim srodnikom smatraju se bračni i vanbračni drug, dijete, majka, otac, usvojlac i usvojenik nosioca javne funkcije. Nosioc javne funkcije prijavljuje imovinu za bliskog srodnika kada neko od srodnika ima registrovanu imovinu na svoje ime, te njihovu prijavu prilaže uz svoju, na zasebnom Obrascu.

U skladu sa članom 4. Zakona, Ured je u Registru sve nosioce javnih funkcija podijelio na izabrane dužnosnike, nosioce izvršnih funkcija i savjetnike. U nastavku teksta je statistički prikaz podataka o imovini nosioca javnih funkcija, koji su Uredu dostavili prijavu imovine u 2026. godini, sadržani u Registru.

Nosioci javne funkcije	Broj nosilaca	Procentualno
Izabrani dužnosnici	323	22,1%
Nosioci izvršnih funkcija	1136	77,6%
Savjetnici	5	0,3%
UKUPNO	1464	100%

Tabela 1: Prijave imovine nosioca javnih funkcija



Grafikon 1: Grafički prikaz prijave imovine nosioca javnih funkcija

U Registru su podaci o imovini nosioca javnih funkcija kantonalnog, gradskog i općinskog nivoa vlasti na teritoriji Kantona Sarajevo.

Ured je od nosioca javnih funkcija sa kantonalnog nivoa vlasti, u dosadašnjem dijelu 2026. godine, zaprimio 1087 prijavi imovine, što predstavlja 74,3% od ukupno zaprimljenih prijavi imovine.

Od nosioca javnih funkcija sa gradskog nivoa vlasti, Ured je zaprimio 25 prijavi imovine, što čini 1,7% od ukupno zaprimljenih prijavi imovine.

Kada su u pitanju nosioци javnih funkcija sa općinskog nivoa vlasti, Ured je od istih zaprimio 352 prijavi imovine, što je 24% od ukupno zaprimljenih prijavi imovine.

Nivo vlasti	Broj nosilaca	Procentualno
Kantonalni nivo	1087	74,3%
Gradski nivo	25	1,7%
Općinski nivo	352	24%
UKUPNO	1464	100%


Tabela 2: Prijave imovine nosioca javnih funkcija po nivou vlasti

1. Vrijednost nepokretne imovine nosioca javnih funkcija

Jedan od podataka koji sadrži prijavi imovine nosioca javnih funkcija jeste i podatak o pravu vlasništva na nepokretnim stvarima u zemlji i inostranstvu.

Ukupna pretpostavljena vrijednost prijavljene nepokretne imovine od 1464 nosioca javnih funkcija U Kantonu Sarajevo i njihovih srodnika, u dosadašnjem dijelu 2026. godine, iznosi 343.398.318,00 KM.

Pretpostavljena vrijednost prijavljene nepokretne imovine nosioca izvršnih funkcija iznosi 263.224.300,00 KM ili 76,7%, pretpostavljena vrijednost nepokretne imovine izabranih dužnosnika iznosi 78.289.018,00 KM ili 22,8%, dok pretpostavljena vrijednost prijavljene nepokretne imovina savjetnika iznosi 1.885.000,00 KM, što je 0,5% pretpostavljene vrijednosti od ukupno prijavljene nepokretne imovine.




Grafikon 2: Grafički prikaz pretpostavljene vrijednosti nepokretne imovine nosioca javnih funkcija

2. Vrijednost pokretne imovine nosioca javnih funkcija

Prijava imovine nosioca javnih funkcija sadrži i podatke o pravu vlasništva nad pokretnim stvarima koje podliježu registraciji kod nadležnih organa u zemlji i inostranstvu, kao i pravo vlasništva na pokretnim stvarima u vrijednosti većoj od 5.000,00 KM u zemlji i inostranstvu.

Ukupna vrijednost prijavljene pokretne imovine svih nosioca javnih funkcija i njihovih bliskih srodnika, koji su u dosadašnjem dijelu 2026. godine dostavili Uredu prijave imovine, iznosi 21.177.359,00 KM.

Vrijednost prijavljene pokretne imovine nosioca izvršnih funkcija iznosi 15.606.159,00 KM ili 73,7%, vrijednost pokretne imovine izabranih dužnosnika iznosi 5.452.200,00 KM ili 25,7%, dok vrijednost prijavljene pokretne imovine savjetnika iznosi 119.000,00 KM, što je 0,6%. vrijednosti od ukupno prijavljene pokretne imovine.



Grafikon 3: Grafički prikaz vrijednosti pokretne imovine nosioca javnih funkcija

U tabeli 3. sadržani su podaci o vrijednosti prijavljene nepokretne i pokretne imovine od 1464 nosioca javnih funkcija i njihovih srodnika, koji su u dosadašnjem dijelu 2026. godine prijavili imovinu.


Vrijednost imovine	Izabrani dužnosnici	Nosioci izvršnih funkcija	Savjetnici	UKUPNO
Vrijednost nepokretne imovine	78.289.018,00 KM	263.224.300,00 KM	1.885.000,00 KM	343.398.318,00 KM
Procenat	22,8%	76,7%	0,5%	100%
Vrijednost pokretne imovine	5.452.200,00 KM	15.606.159,00 KM	119.000,00 KM	21.177.359,00 KM
Procenat	25,7%	73,7%	0,6%	100%

Tabela 3: Vrijednost nepokretne i pokretne imovine nosioca javnih funkcija

3. Godišnji prihodi nosioca javnih funkcija

Nosioci javnih funkcija u svojoj prijavi imovine obavezni su navesti podatke o izvoru i visini godišnjih novčanih prihoda u zemlji i inostranstvu, s tim što navode iznos i vrstu izvora svakog prihoda. **Ukupni godišnji prihodi nosioca javnih funkcija koji su prijavili imovinu Uredu, u dosadašnjem dijelu 2026. godine, iznose 56.504.497,01 KM.**

Prihodi nosioca izvršnih funkcija iznose 42.431.898,98 KM ili 75,1%, prihodi izabranih dužnosnika koji su prijavili imovinu iznose 13.737.212,03 KM ili 24,03%, dok prihodi savjetnika iznose 335.386,00 KM, što predstavlja 0,6% ukupno prijavljenih prihoda.



Grafikon 4: Grafički prikaz godišnjih prihoda nosioca javnih funkcija

4. Finansijske obaveze nosioca javnih funkcija

Nosioci javnih funkcija dužni su prijaviti Uredu finansijske obaveze, tj. dugovanja prema pravnim i fizičkim licima u zemlji i inostranstvu u iznosu većem od 5.000,00 KM. **Ukupan iznos finansijskih obaveza nosioca javnih funkcija, u dosadašnjem dijelu 2026. godine, iznosi 52.018.649,67 KM**, od čega su 40.900.296,60 KM ili 78,6% su finansijske obaveze nosioca izvršnih funkcija, 11.117.483,07 KM ili 21,36% su obaveze izabranih dužnosnika, dok pet savjetnika koji su prijavili imovinu u dosadašnjem dijelu 2026. godini iznose 870,00 KM ili 0,002%.

Nosioci javne funkcije	Finansijske obaveze	Procentualno
Izabrani dužnosnici	11.117.483,07 KM	78,62%
Nosioci izvršnih funkcija	40.900.296,60 KM	21,36%
Savjetnici	870,00 KM	0,002%
UKUPNO	52.018.649,67 KM	100%

Tabela 4: Finansijske obaveze nosioca javnih funkcija

V Izdavanje prekršajnih naloga

Ured je nadležan za izdavanje prekršajnog naloga za nosioce javnih funkcija zbog kršenje zakonskih odredbi i to u slučaju kašnjenja sa godišnjim prijavljivanjem imovine, ako ne prijave imovinu prilikom preuzimanja dužnosti i poslije završetka javne funkcije i ako ne prijave imovinu na zahtjev Ureda.

U dosadašnjem toku 2026. godine, Ured je izdao 56 prekršajnih naloga nosiocima javnih funkcija, od kojih jednom licu zbog ponovljenog prekršaja izdat je nalog u iznosu od 3.000 KM, dok je ostalih 55 lica kažnjeno sa 1.000 KM.

VI Provjera podataka o imovini nosioca javnih funkcija

Shodno čl. 6. i 18. Zakona, Ured je nadležan da vrši provjeru i kontrolu podataka o imovini nosioca javnih funkcija u Kantonu Sarajevo. Ova provjera obuhvata i provjeru podataka o imovini njihovih bliskih srodnika. Upravo zbog ove aktivnosti i nadležnosti Ureda u njenom provođenju ovaj zakon ima specifičan značaj i po tome je jedinstven u pravnom prostoru naše države, jer se prvi put u historiji naše države jednim zakonom, kumulativno, propisuje obaveza nosioca javnih funkcija da prijave imovinu i poklone, predviđaju sankcije za neprijavljivanje i vrše provjere podataka o imovini nosioca javnih funkcija.


Uredba o uspostavljanju i vođenju registra ličnih podataka o imovini i postupku provjere imovine nosioca javnih funkcija u Kantonu Sarajevo („Službene novine Kantona Sarajevo“, br. 25/19, 19/22) propisuje obavezu Ureda da u toku svake kalendarske godine izvrši najmanje 100 provjera podataka o imovini i poklonima, izvorima i vrsti prihoda kojim je imovina kupljena, za najmanje 100 nosioca javnih funkcija u Kantonu Sarajevo i njihovih bliskih srodnika. Propisani broj je minimum provjera koje je Ured obavezan izvršiti u toku kalendarske godine i isti ne isključuje mogućnost da Ured izvrši i veći broj ovih provjera, shodno raspoloživim ljudskim kapacitetima Ureda, okolnostima i vremenu za izvršavanje ovih aktivnosti.

U prethodnoj Informaciji za Skupštinu Kantona Sarajevo od 29.12.2025. godine najavili smo da ćemo kompletnu statistiku izvršenih provjera u 2025. godini objaviti u ovoj Informaciji, iz razloga što u trenutku pisanja prethodne Informacije nisu bile okončane sve započete provjere i analizirana prikupljena dokumentacija.

Ured je u 2025. godini okončao 103 postupka provjere imovine nosioca javnih funkcija u Kantonu Sarajevo. Od 103 izvršene provjere, kod 42 nije utvrđen nikakav nesrazmjer između prijavljene imovine i imovine utvrđene provjerom, dok je u 61 slučaju provjerom utvrđeno da nosioci javnih funkcija nisu prijavili određenu ličnu imovinu ili imovinu bliskih srodnika ili postoji nesrazmjer između prijavljene i imovine utvrđene u postupku provjere.

	Broj lica	Procentualno
Utvrđen nesrazmjer	61	59,22%
Bez nesrazmjera	42	40,78%
UKUPNO PROVJERA	103	100%

Tabela 5: Tabela prikaz utvrđenog (ne)srazmjera



Grafikon 5: Grafički prikaz utvrđenog (ne)srazmjera

U 25 slučajeva nesrazmjer se odnosio na ličnu imovinu nosioca javnih funkcija, dok je u 52 slučaja nesrazmjer bio kod imovine bliskih srodnika (u više slučajeva je istom provjerom utvrđen nesrazmjer u ličnoj imovini nosioca, kao i imovini bliskih srodnika).

U većini slučajeva u kojima je Ured utvrdio da nosilac javne funkcije nije prijavio određenu imovinu riječ je o vrijednosnim papirima privatizacionih fondova koji nemaju nikakvu ili imaju neznatnu vrijednost, suvlasničkom udjelu na naslijeđenim nekretninama, neznatnim razlikama između prijavljenih i utvrđenih prihoda, neprijavlivanju finansijskih obaveza i sl.

Ureda ima obavezu da prije formalnog okončanja provjere, omogući subjektu provjere da se izjasni o svim činjenicama i okolnostima relevantnim za provjeru. S tim u vezi Ured je sve nosioce javnih funkcija čije podatke o imovini je provjeravao, upoznao s provjerom i dao im mogućnost da se izjasne o navodima provjere, bez obzira je li provjerom utvrđen nesrazmjer ili nije. Postupak provjere se završava sačinjavanjem izvještaja o izvršenoj provjeri. Izvještaj sadrži taksativno pobrojavanje sve aktivnosti Ureda provedene u toku provjere podataka o imovini, podatke o eventualno utvrđenom nesrazmjeru između prijavljene imovine i imovine utvrđene provjerom, sa konkretnim podacima o kakvoj imovini se radi i preporuke za postupanje nakon provedene provjere.

U okončanim provjerama u 2025. godini nije bilo slučajeva utvrđenog nesrazmjera koji bi imao obilježja krivičnog djela, u smislu člana 20 a. i člana 21. stav (4) Zakona, i nisu povrijeđeni principi i svrha Zakona iz čl. 2. i 3. Zakona.

Ured je, u dosadašnjem toku 2026. godine, pokrenuo 80 postupka provjere imovine nosioca javnih funkcija u Kantonu Sarajevo, koje su još uvijek u toku.

VII Završna izlaganja

Nema nikakve dvojbe da je Zakon o prijavljivanju i postupku provjere podataka o imovini nosioca javnih funkcija u Kantonu Sarajevo antikoruptivni propis, kojim se postiže efekat generalne prevencije, kad je riječ o pojavi koruptivnih radnji u vršenju javnih funkcija u Kantonu Sarajevo. Međutim, pored pozitivnih efekata Zakona postoje i određene poteškoće u njegovoj provedbi sa kojima se Ured susreće, a koje se prvenstveno ogledaju u nepreciznosti odredbi Zakona kojima se definiše krug lica na koje se ovaj zakon odnosi. U cilju prevazilaženja poteškoća u provedbi Zakona Ured je 03.04.2026. godine uputio Ministarstvu pravde i uprave Kantona Sarajevo Inicijativu za izmjene i dopune Zakona o prijavljivanju i postupku provjere podataka o imovini nosioca javnih funkcija u Kantonu Sarajevo, u sastavu koje je i prijedlog izmjena i dopuna Zakona. Predloženim izmjenama i dopunama Zakona otklonile bi se sve dileme i nedoumice u njegovoj provedbi.

Ministarstvu pravde i uprave Kantona Sarajevo dostavilo je Uredu Odgovor na inicijativu za izmjene i dopune Zakona o prijavljivanju i postupku provjere podataka o imovini nosioca javnih funkcija u Kantonu Sarajevo broj: 03-04/1-02-17216/26, kojim se očitovalo na predložene izmjene pojedinih članova Zakona. Navedenim odgovorom Ministarstvo pravde i uprave Kantona Sarajevo ocjenjuje predmetni inicijativu opravdanom, te smatra svrsishodnim pokretanje postupka izmjena i dopuna Zakona, imajući u vidu potrebu za unapređenjem postojećeg zakonskog okvira i uklanjanje nedoumica u praktičnoj primjeni Zakona. U narednom periodu očekujemo da se pokrene postupak izmjena i dopuna Zakona, kako bi se uklonile sve nedoumice u njegovoj provedbi i Zakona učinio efikasnijim.

Broj: 20.01-02-96-720/26 AK
Sarajevo, 30.06.2026. godine



PO OVLAŠTENJU ĆERAA UREDA

Faruk Sanbegović